

ՆՎԻՐԱԲԵՐՈՒԹՅԱՆ ՊԱՅՄԱՆԱԳԻՐ N 05

Ք. Երևան

«16» 01 2015թ.

«Հայաստանի Հանրապետության կառավարության աշխատակազմ» պետական կառավարչական հիմնարկը (այսուհետ՝ «Նվիրաբերող») ի դեմս աշխատակազմի ղեկավար նախարար Դավիթ Հարությունյան, որը գործում է Հայաստանի Հանրապետության կառավարության աշխատակազմի կանոնադրության հիման վրա, մի կողմից, և «Գնահատման և թեստավորման կենտրոն» ՊՈԱԿ-ը՝ (այսուհետ՝ «Նվիրաբերություն ստացող») ի դեմս տնօրեն Գագիկ Մելիքյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ Կողմեր)՝ ղեկավարվելով Հայաստանի Հանրապետության քաղաքացիական օրենսգրքի 605-րդ հոդվածով և հիմք ընդունելով «Հայաստանի Հանրապետության 2015 թվականի պետական բյուջեի մասին» Հայաստանի Հանրապետության օրենքով նախատեսված բյուջետային ծախսերի գործառնական դասակարգման 09 բաժնի 06 խմբի 01 դասի 17. «Գնահատման և թեստավորման ծառայություններ» ծրագիրը (այսուհետ՝ Ծրագիր), կնքեցին սույն պայմանագիրը (այսուհետ՝ Պայմանագիր) հետևյալի մասին.

1. Պայմանագրի առարկան

1.1 Սույն պայմանագրով Նվիրաբերություն ստացողը պարտավորվում է կատարել սույն պայմանագրի 1.2 կետում նշված աշխատանքները, իսկ Նվիրաբերողը պարտավորվում է վճարել այդ աշխատանքների համար:

1.2 Նվիրաբերություն ստացողը պարտավորվում է կատարել հետևյալ աշխատանքները.

1. Արտաքին ընթացիկ գնահատման նախապատրաստական գործընթաց:
2. Պետական ավարտական և միասնական քննությունների նախապատրաստական գործընթաց:
3. Հիմնական դպրոցի ավարտական քննությունների նախապատրաստական գործընթաց:
4. Ներքուհական և կենտրոնացված քննությունների նախապատրաստական գործընթաց:
5. ԲՈՒՀ-երի ընդունելության մրցույթի նախապատրաստական գործընթաց:
6. Ազգային ստուգատեսի նախապատրաստական գործընթաց:
7. TIMSS-2015 ստուգատեսի հիմնական փուլի նախապատրաստում և անցկացում:
8. Արտաքին ընթացիկ գնահատման անցկացում:
9. Պետական ավարտական և միասնական քննությունների անցկացում:
10. Հիմնական դպրոցի ավարտական քննությունների անցկացում:
11. Ներքուհական և կենտրոնացված քննությունների անցկացում:
12. ԲՈՒՀ-երի ընդունելության մրցույթի անցկացում:
13. Ազգային ստուգատեսի անցկացում:
14. Քննական աշխատանքների համակարգչային ստուգում, վերլուծությունների և արդյունքների ամփոփում:
15. Ազգային ստուգատեսի և արտաքին ընթացիկ գնահատման աշխատանքների ստուգում, վերլուծությունների և արդյունքների ամփոփում:
16. Պետական ավարտական և միասնական քննությունների ուղեցույցների մշակում և տպագրում:
17. TIMSS-2015 ստուգատեսի հիմնական փուլի գնահատման աշխատանքների ստուգում, վերլուծությունների և արդյունքների ամփոփում:

1.3 Աշխատանքները պատշաճ որակով կատարված են համարվում հավելված N1-ով սահմանված ժամանակացույցին համապատասխան Նվիրաբերություն ստացողի կողմից ներկայացված հաշվետվությունները ստանալուց հետո Նվիրաբերողի կողմից 30 աշխատանքային օրվա ընթացքում դրանց վերաբերյալ առարկություններ չներկայացվելու դեպքում:

2. Կողմերի իրավունքները և պարտականությունները

2.1 Նվիրաբերողն իրավունք ունի՝

2.1.1 Ցանկացած ժամանակ ստուգել Նվիրաբերություն ստացողի կողմից կատարված Աշխատանքի ընթացքը և որակը՝ առանց միջամտելու Նվիրաբերություն ստացողի գործունեությանը:

2.1.2 Առանց Աշխատանքի արդյունքի դիմաց վարձատրելու՝ միակողմանի լուծել սույն պայմանագիրը և պահանջել հատուցելու իրեն պատճառված վնասները, եթե Նվիրաբերություն ստացողի կողմից կատարված Աշխատանքը չի համապատասխանում սահմանված պահանջներին կամ եթե աշխատանքների իրականացման ժամանակ ակնհայտ է դառնում, որ այն պատշաճ չի կատարվելու:

2.1.3 Մինչև Աշխատանքի արդյունքը Նվիրաբերողին ներկայացնելը ցանկացած ժամանակ հրաժարվել սույն պայմանագրի կատարումից՝ այդ մասին առնվազն 30 օր առաջ տեղեկացնելով Նվիրաբերություն ստացողին և հատուցելով հրաժարման արդյունքում պատճառված վնասները:

2.2 Նվիրաբերողը պարտավոր է՝

2.2.1 Քննարկել և ընդունել պատշաճ կատարված Աշխատանքի արդյունքը, իսկ Աշխատանքի արդյունքում թերություններ հայտնաբերելու դեպքերում այդ մասին անհապաղ, բայց ոչ ուշ քան թերությունները հայտնաբերելուց 15 օր հետո, գրավոր հայտնել Նվիրաբերություն ստացողին:

2.2.2 Աշխատանքի արդյունքն ընդունելու դեպքում Նվիրաբերություն ստացողին վճարել սույն պայմանագրի 4.1 կետում նշված աշխատանքների գինը՝ 4.2 կետով սահմանված կարգով:

2.3 Նվիրաբերություն ստացողն իրավունք ունի՝

2.3.1 Մինչև Աշխատանքի արդյունքը Նվիրաբերողին ներկայացնելը, Նվիրաբերողի կողմից սույն պայմանագիրը կատարելուց հրաժարվելու դեպքում Նվիրաբերողից պահանջել վճարելու կատարված Աշխատանքի համարժեք գինը, բացառությամբ սույն պայմանագրի 2.1.2 կետով նախատեսված դեպքի:

2.3.2 Մինչև Աշխատանքի արդյունքը Նվիրաբերողին ներկայացնելը ցանկացած ժամանակ հրաժարվել սույն պայմանագրի կատարումից՝ հատուցելով հրաժարման արդյունքում պատճառված վնասները՝ այդ մասին առնվազն 30 օր առաջ տեղեկացնելով Նվիրաբերողին:

2.4 Նվիրաբերություն ստացողը պարտավոր է՝

2.4.1 Իրականացնել Աշխատանքի պատշաճ կատարումը՝ ղեկավարվելով գործող օրենսդրությամբ և սույն պայմանագրով:

2.4.2 Սույն պայմանագրի 2.1.2 կետով նախատեսված հիմքերով սույն պայմանագրի լուծման դեպքում հատուցել Նվիրաբերողին պատճառած վնասները:

2.4.3 Սույն պայմանագրով նախատեսված դեպքերում վճարել սույն պայմանագրի 5.2 կետով նախատեսված տուգանքը:

2.4.4 Նվիրաբերողի պահանջով ողջամիտ ժամկետում անհատույց վերացնել հայտնաբերված բոլոր թերությունները:

2.4.5 Անձամբ կատարել աշխատանքները:

2.4.6 Նվիրաբերողի պահանջով նրան հաղորդել Աշխատանքների կատարման ընթացքի մասին բոլոր տեղեկությունները:

3. Աշխատանքի հանձնման և ընդունման կարգը

3.1 Նվիրաբերություն ստացողը Աշխատանքի կատարման մասին հաշվետվությունները ներկայացնում է յուրաքանչյուր եռամսյակի ավարտից հետո մինչև հաջորդ ամսվա 15-ը, տարեկան հաշվետվությունները, մինչև հաջորդող տարվա փետրվարի 1-ը՝ ՀՀ ֆինանսների և էկոնոմիկայի նախարարի 2008թ. փետրվարի 4-ի N80-ն հրամանով հաստատված Հ2, Հ4 օրինակելի ձևերին և ՀՀ ֆինանսների և էկոնոմիկայի նախարարի 2007թ. մարտի 28-ի N324-ն հրամանի ԱՀ-1 օրինակելի ձևերին համապատասխան:

4. Պայմանագրի գինը և վճարման կարգը

4.1 Սույն պայմանագրով կատարված Աշխատանքի ընդհանուր գինը կազմում է 416936300 (չորս հարյուր տասնվեց միլիոն ինը հարյուր երեսունվեց հազար երեք հարյուր) ՀՀ դրամ:

4.2 Նվիրաբերողը կատարված Աշխատանքի դիմաց վճարում է անկանխիկ՝ դրամական միջոցները Նվիրաբերություն ստացողի հաշվարկային հաշվին փոխանցելու միջոցով, սույն պայմանագրի ուժի

մեջ մտնելուց հետո ՀՀ կառավարության 2015թ. պետական բյուջեի կատարումն ապահովող միջոցառումների մասին որոշման համաձայն՝ ամսվա կտրվածքով:

5. Կողմերի պատասխանատվությունը

- 5.1 Նվիրաբերություն ստացողը պատասխանատվություն է կրում Աշխատանքի որակի համար:
- 5.2 Սույն պայմանագրի 2.1.2 կետով նախատեսված հիմքերով պայմանագրի լուծման դեպքում Նվիրաբերություն ստացողից գանձվում է տուգանք՝ սույն պայմանագրի 4.1 կետով նախատեսված գումարի 0.05%-ի չափով:
- 5.3 Սույն պայմանագրի 5.2 կետով նախատեսված տուգանքը հաշվարկվում և հաշվանցվում են Աշխատանք կատարելու արդյունքում Նվիրաբերություն ստացողին վճարման ենթակա գումարներից:
- 5.4 Սույն պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6. Անհաղթահարելի ուժի ազդեցություն (\$որս-մաժոր)

Սույն պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե անհաղթահարելի ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

7. Եզրափակիչ դրույթներ

- 7.1 Սույն պայմանագիրն ուժի մեջ է մտնում Կողմերի ստորագրման պահից և գործում է մինչև սույն պայմանագրով նախատեսված պարտավորությունների ամբողջ ծավալով կատարման ավարտը:
- 7.2 Սույն պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ նոր պայմանագիր կնքելու միջոցով, որը կհանդիսանա սույն պայմանագրի անբաժանելի մասը:
- 7.3 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են դատական կարգով:
- 7.4 Սույն պայմանագիրը կազմված է հայերեն լեզվով, երկու օրինակից, որոնք ունեն հավասարազոր իրավաբանական ուժ, յուրաքանչյուր կողմին տրվում է մեկական օրինակ:

8. Կողմերի հասցեները, բանկային վավերապայմանները և ստորագրությունները

«Նվիրաբերող»

ՀՀ կառավարության աշխատակազմ
Հասցե՝ ք. Երևան, Հանրապետության Հրապարակ
կառավարական N1 շենք
ՀՎՀՀ՝ 02505554
ՀՀ ֆին. նախ. գործառնական վարչություն
h/h՝ 900011022...

ՀՀ կառավարության աշխատակազմի ղեկավար-
նախարար

Դ. Տարությունյան



«Նվիրաբերություն ստացող»

«Գնահատման և թեստավորման կենտրոն»
ՊՈԱԿ
Հասցե՝ ք. Երևան, Այգեստան 9/4
ՀՎՀՀ՝ 01551257
h/h՝ 247010088604
«Արդշինինվեստբանկ» ՓԲԸ
Հեռ.՝ 57-67-35

Տնօրեն

Գ. Մելիքյան
Կ. Տ.



Handwritten signature

Handwritten signature